



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP–1/21-3-40-186-3/22**
Datum: **16.06.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica «JATA GROUP» d.o.o. Srebrenik Podružnica br 1 «Betonara» Zenica za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta betonare i asfaltne baze u Industrijskoj zoni grad Zenica na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola pravnom licu, «JATA GROUP» d.o.o. Srebrenik Podružnica br 1 «Betonara» Zenica za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta betonare kapaciteta 20m³/h i asfaltne baze kapaciteta 200tona/h locirane u Industrijskoj zoni na zemljištu označenom kao k.č. broj: 290/188, 290/193, 290/195 i 290/448 K.O. Zenica I, grad Zenica.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, za vrijeme trajanja ove dozvole, obezbijedi da se tehnološke otpadne vode nastale u proizvodnom postupku spravljanja i proizvodnje betona zajedno sa onečišćenim otpadnim vodama nastalim pranjem vozila za transport betona i spiranjem radnih površina (lokalitet betonare) nesmetano prikupljaju sistemom betonskih kanala i kanalizacione mreže te odvođe do objekta za tretman tehnoloških otpadnih voda (taložnik) a zatim ovako tretirane vode preko okna za monitoring ispuštaju u taložno jezero.
 - 2.3. Da se poduzmu sve potrebne mjere kojima bi se obezbijedilo da prečišćene tehnološke i druge onečišćene otpadne vode sa platoa betonare, prije ispuštanja u krajnji recipijent – taložno jezero, ostanu u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Da se za vrijeme trajanja ove dozvole obezbijedi da se oborinske onečišćene vode sa platoa, parking i manipulativnih površina asfaltne baze nesmetano sakupljaju sistemom betonskih kanala i kanalizacione mreže i odvođe do uređaja za tretman, tj. u separator ulja i masti sa krajnjim ispuštima prečišćenih voda preko okna za monitoring u taložno jezero.
 - 2.5. Da se poduzmu sve potrebne mjere kojima bi se obezbijedilo da prečišćene oborinske vode sa platoa asfaltne baze, prije ispuštanja u krajnji recipijent – taložno jezero, ostanu u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.6. Uslove ispuštanja prečišćenih voda u taložno jezero definisati s vlasnikom, odnosno korisnikom - ArcelorMittal Zenica.
 - 2.7. Objekte čija je svrha odvođenje i prečišćavanje otpadnih voda (taložnik, separator ulja i masti, slivne rešetke, betonski kanali, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.

Održavanje, čišćenje i pražnjenje taložnika i separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti te izdvojenom talogu iz istih.

- 2.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na dva mjerna mjesta u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 2.9. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 2.10. Talog/mulj iz taložnika i separatora kao i ostali opasni i neopasni otpad, ne smiju se ni privremeno odlagati na česticu «vodno dobro» odnosno u vodotoke i na njegove obale.
- 2.11. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «JATA GROUP» d.o.o. Srebrenik Podružnica br 1 «Betonara» Zenica, obratilo se ovoj Agenciji dana 15.04.2022. godine sa zahtjevom za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta betonare i asfaltne baze u Industrijskoj zoni grada Zenica.

U provedenom postupku dostavljena je i pregledana sljedeća dokumentacija:

- Kopija Rješenja o izmjenama podataka broj: 032-0-Reg-20-000550 izdatog dana 12.06.2020. godine od strane Općinskog suda u Tuzli,
- Kopija Uvjerenja o poreznoj registraciji izdatog dana 04.05.2011. godine od strane Porezne uprave-Kantonalni porezni ured Tuzla,
- Kopija Rješenja o odobrenju građenja objekta namjene «Tvornica betonskih cijevi» broj: 07/22-360-12/98 izdatog dana 12.02.1998. godine od strane Općinskog sekretarijata za prostorno uređenje, komunalne poslove i ekologiju Općina Zenica,
- Kopija Rješenja o odobrenju za građenje postrojenja asfaltne baze, broj: UPI/03-23-2-99/10 izdatog dana 30.07.2010. godine od strane Federalnog ministarstva prostornog uređenja (izdato za «ŽGP ZENICA» d.o.o. Zenica),
- Kopija Rješenja o odobrenju za upotrebu postrojenja asfaltne baze, broj: UPI/03-23-2-06/12 izdatog dana 13.03.2012. godine od strane Federalnog ministarstva prostornog uređenja (izdato za «ŽGP ZENICA» d.o.o. Zenica),
- Kopija Rješenja o okolinskoj dozvoli za betonaru broj: 12-23-3757/16 izdatog dana 27.06.2017. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o okolišnoj dozvoli za asfaltnu bazu broj: UPI-05/2-23-11-118/19 izdatog dana 04.11.2019. godine od strane Federalnog ministarstva okoliša i turizma (izdato za «JATA GROUP» d.o.o. Srebrenik),
- Kopija Rješenja o vodnoj dozvoli za betonaru broj: UP-I/25-3-40-051-3/17 izdatog dana 20.04.2017. godine od strane «Agencije za vodno područje rijeke Save» Sarajevo (izdato za «JATA GROUP» d.o.o. Srebrenik),
- Kopija Rješenja o vodnoj dozvoli za asfaltnu bazu broj: UP-I/25-3-40-317-5/16 izdatog dana 21.07.2016. godine od strane «Agencije za vodno područje rijeke Save» Sarajevo (izdato za «ŽGP ZENICA» d.o.o. Zenica),
- Glavni projekat – vanjsko uređenje i odvodnja otpadnih tehnoloških i oborinskih voda sa platoa betonare i asfaltne baze u Industrijskoj zoni, urađen od strane «PGP-HIDROIZINJERING» d.o.o. Tuzla, oktobar 2013. godine - na uvid,
- Kopija sporazuma o vansudskoj nagodbi (ustupanje vlasništva nad Asfaltna baze marke «WIBAU» tip W200S kapaciteta 200t/h) zaključen dana 13.02.2017. godine između «JATA GROUP» d.o.o. Srebrenik za održavanje i zaštitu puteva Srebrenik i «ŽGP ZENICA» d.o.o. Zenica (prilog - kopija računa-otpremnice broj: FA1-00115 od 22.03.2017. godine),
- Kopija Zemljišnoknjižnog uizvatka broj: 043-0-NAR-22-005439 ZK uložak broj: 555 izdatog dana 12.04.2022. godine od strane Zemljišnoknjižnog ureda - Općinski sud u Zenici,
- Kopija Ugovora o čišćenju separatora i odvozu/zbrinjavanju zauljenog otpada broj: 505-/22-DS zaključenog dana 11.04.2022. godine sa «DELTA PETROL» d.o.o. Kakanj,
- Kopije Izvještaja o monitoringu kvaliteta i kvantiteta otpadnih voda broj: 592/22 (asfaltna baza) i broj: 593/22 (betonara) urađenih od strane «Inspekt-RGH» d.o.o. Sarajevo, april 2022. godine,
- Kopije EBS obrazaca za period od januara 2021 do marta 2022. (za betonaru i asfaltnu bazu),
- Kopija Zapisnika Federalnog vodnog inspektora o inspekcijskom nadzoru broj: UP1-14-21-2-00054/2020-028-P-028-1-P od 05.08.2020. godine,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli (broj: UP-I/25-3-40-051-3/17 od 20.04.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 07.06.2022. godine konstatovano je da podnosilac zahtjeva «JATA GROUP» d.o.o. Srebrenik Podružnica br 1 «Betonara» Zenica redovno izmiruje svoje obaveze uplate posebnih vodnih naknada.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak predmetnog kompleksa u Industrijskoj zoni grada Zenica te je sačinjen zapisnik o izvršenom uviđaju broj: UP-1/21-3-40-186-2/22 od 09.06.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni pogon za proizvodnju betona i betonskih proizvoda i asfaltna baza locirani su u Industrijskoj zoni, grad Zenica. Za objekat betonare ranije je od strane Agencije izdato Rješenje o vodnoj dozvoli broj: UP-I/25-3-40-051-3/17 od 20.04.2017. godine (izdato za «JATA GROUP» d.o.o. Srebrenik) a za asfaltnu bazu Rješenje o vodnoj dozvoli broj: UP-I/25-3-40-317-5/16 od 21.07.2016. godine (izdato za «ŽGP» d.o.o. Zenica). Uvidom u dostavljeni Sporazum o vansudskoj nagodbi zaključen dana 13.02.2017. godine utvrđeno je da je trenutni vlasnik asfaltne baze «JATA GROUP» d.o.o. Srebrenik.

Pogon betonare kapaciteta 20 m³/h lociran je u sklopu kompleksa na zemljištu označenom kao k.č. broj: 290/188, 290/193, 290/195 i 290/448 K.O. Zenica, grad Zenica. Pogon čine sljedeći objekti: postrojenje za proizvodnju betona, nadstrešnice za agregat, proizvodna hala sa kancelarijskim prostorom, manipulativni, radni i skladišni plato, taložnik. U pogonu su se ranije proizvodile betonske cijevi raznih profila. Snabdijevanje vodom za sanitarne i tehnološke potrebe obezbijeđeno je priključkom na gradsku vodovodnu mrežu. U toku uviđaja betonara nije bila u funkciji a prema izjavi predstavnika podnosioca zahtjeva ista nije u funkciji više godina.

Tehnološke otpadne vode nastale u procesu spravljanja betona zajedno sa onečišćenim otpadnim vodama nastalim pranjem vozila za transport betona i spiranjem radnih površina prikupljaju se sistemom betonskih kanala i zajedno sa oborinskim onečišćenim vodama sa platoa odvođe na tretman u armirano-betonski taložnik. Prečišćene vode se nakon taloženja ispuštaju u recipijent – taložno jezero (izvor snabdijevanja tehnološkom vodom za «Arcelor Mittal» Zenica).

Na uvid dostavljen Izvještaj broj: 593/22 o monitoringu kvaliteta i kvantiteta otpadnih voda pogona betonare urađen od strane «Inspect-RGH» d.o.o. Sarajevo, april 2022. godine (uzorak uzet iz preliva druge komore taložnika). Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Pogon asfaltne baze tip «Wibau» kapaciteta 200tona/h lociran je u sklopu kompleksa na dijelu platoa označenom kao k.č. broj 290/448 K.O. Zenica I, grad Zenica. Proces proizvodnje asfalta je potpuno automatizovan a kao osnovni energent u procesu proizvodnje asfalta koristi se zemni gas. Lož ulje, koje se alternativno koristi kao energent, skladišti se u nadzemnom horizontalnom rezervoaru zapremine 30m³ smještenom u betonsku tankvanu a bitumen koji se koristi kao sirovina za proizvodnju asfalta skladišti se u 4 nadzemna rezervoara zapremine po 60m³ smještena u betonskoj tankvani. U samom procesu proizvodnje ne koristi se voda niti nastaju tehnološke otpadne vode.

Oborinske onečišćene vode sa pripadajućih saobraćajnih, radnih i manipulativnih površina se zasebnim sistemom kanalizacione mreže prikupljaju i odvođe na tretman u separator ulja i masti. Prečišćene vode se preko okna za monitoring ispuštaju u recipijent - taložno jezero. Čišćenje separatora se vrši prema ugovoru od strane firme «DELTA PETROL» d.o.o. Kakanj.

Na uvid dostavljen Izvještaj broj: 592/22 o monitoringu kvaliteta i kvantiteta otpadnih voda pogona asfaltne baze urađen od strane «Inspect-RGH» d.o.o. Sarajevo, april 2022. godine. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije. Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Konstatuje se da je podnosilac zahtjeva, «JATA GROUP» d.o.o. Srebrenik Podružnica br 1 «Betonara» Zenica, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta betonare i asfaltne baze u Industrijskoj zoni grada Zenica, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70KM U skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).


Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih
akata


Haris Ališehović, dipl.ing.građ.

Dostaviti:

- «JATA GROUP» d.o.o. Srebrenik Podružnica br 1 «Betonara» Zenica
Ul Kralja Tvrtka I Br 17, 72000 Zenica
- ⓪ AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava